



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 77. Decretum circa beneficia in commendam data.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

fordidum, atque ibi Crux erigeretur, tanquam habitæ illic pietatis vestigium.

Sæcul. XVI.
A.C. 1562.

§. LXXVII.

Decretum circa beneficia in commendam data.

Postmodum agebatur de beneficiis a *Pallav. c. 10.* Pontifice in commendam datis; *n. 10. & 11.* cum enim ea nonnunquam ab omni inferiori jurisdictione immunita essent, ac immunitates, quibus fruebantur, in licentiam quandoque converterentur: haud leves exinde abusus oriebantur, hinc Synodus huic corruptelæ obviatura decrevit, ut commendata ejusmodi beneficia, sive sæcularis, sive etiam Regularis essent institutionis, ubi disciplinæ observantia non vigeret, ab Episcopis quotannis inviserentur, qui eorum etiam fructus ad fabricas reparandas, aliaque explenda onera converterent: si vero in hujusmodi Sacerdotiis floret observantia regularis, admoneantur prius paterne ab Episcopis eorum moderatores; si autem sexto post admonitionem mense illi negligenter se gererent, ac disciplinæ dissolutionem irreperere permetterent, tunc insit Episcopis facultas, perinde ac ipsismet Regularium Moderatoribus, invisendi hæc loca, & Religiosos obstringendi, ut ea præstarent, ad quæ præstanda proprii

Sæcul. XVI.
A. C. 1562. prii instituti legibus compellerentur, ita
tamen, ut Episcopi hanc potestatem
duntaxat tanquam Sedis Apostolicæ
Delegati exercent.

§. LXXVIII.

*Decretum circa Quæstores exami-
natum.*

Pallav. n. 12. Denique Patres transibant ad duode-
cimum articulum, qui respiciebat
emendationem plurium corruptelarum,
quæ circa illos irrepserant, qui profite-
bantur munus promulgandi indulgen-
tias, aliasque Apostolicæ Sedis largi-
tiones ad pietatē spectantes, & colli-
gendi a populis eleemosynas, ut ex iis S.
Petri Basilica, variaque templa extrue-
rentur, atque alia pia opera conficeren-
tur: porro in hujusmodi hominum con-
ditionem complures Patrum acriter in-
vehebantur, dicentes: quod hi quæsto-
res hæresi Lutheranæ ansam præbue-
rint, ac innumerabiles eorum fraudes
& exquisitæ technæ essent, quibus a sim-
plici plebis pietate pecuniam emunge-
rent, ut omnino proinde aboleri oport-
eret professionem istam, quæ fidem a-
dimebat pietati, cum eam quasi nequi-
tiæ larvam assumeret. Verum non
decerant alii, qui huic sententiæ repu-
gnantes mitius sic responderent: „Tri-
„ticum eradicari non debet ex eo, quod
„ cum